

**SPECIMEN PHYSICAE
EXPERIMENTALIS
POST UNIVERSAM
PHILOSOPHIAM
PRIMO DIE...**

Sigismondo Chisio

173

**SPECIMEN PHYSICAE
EXPERIMENTALIS**

POST UNIVERSAM PHILOSOPHIAM
PRIMO DIE CERTAMINI EXPOSITAM,
MULTIPLICI TENTAMINUM GENERE

ALTERO DIE PUBLICE EXHIBITUM

A

344.11

**SIGISMUNDO
CHISIO**

COLLEGII PTOLEMAEI CONVICTORE
ET ACADEMICO INNOMINATO.



SENIS, Typis Publicis ANNO MDCCLII.

PER FRANCISCUM ROSSI TYPOGRAPHUM,
CUM FACULTATE

FOR THE YEAR 1900
AND THE YEAR 1901

OF THE

2

OF THE YEAR 1900



PRÆFATIO AD LECTOREM



*Ntequam Experimentalis materiae
in hoc continendae libello cursim
(ut praefinita brevitas postulat)
habeas à me descripta capita, u-
berius postea in arena ipsa, voce,
manuque tractanda, ne gravabe-
ris amice Lector, consilium, or-
dinemque ipsum totius perscien-
dae rei paucis praemoneri: Du-*

as omnino partes, quarum singulae quatuor rerum agendarum



ca-

capitibus constabunt, uniuersa haec habebit exercitatio. Prima pars (quae tota erit dissertatoria) versabitur in Physicis instrumentis, experimentisque, quae per ea capientur, dilucidè explicandis publico doctorum virorum conventui; Altera uerò (quae tota erit quasi actiua) quum in perficiendis experimentis ipsis, quae ore tenus promissa, & declarata antea fuerint; tum in iam perfectis spectantium ante oculos subiiciendis uel per ipsum DISSERTATOREM, cuius praecipuae partes erunt, uel per alios in eadem palaestra Collegas physicae hujus exercitationis socios, & quasi ministros.

Quatuor, quae diximus rerum capita explicanda esse in prima, in altera uerò parte aspectui esse demonstranda (& quorum tituli statim toto Aulae tractu dispositi grandioribus descripti literis spectantium in oculos incurrent) erunt, quae potissimum magis adposita uisa sunt, quum ad plura paucioribus, tum ad uaria, & multiplicia methodo simpliciore amplectenda: primo scilicet Tellurea, secundo Aquea, tertio Aeria, quarto tandem Ignea.

De singulis agendi methodus simul erit pro uniui, uel alterius horae praestitutis limitibus expedita, simulque pro multiplici agendarum rerum serie; ab omni tumultu (qui heic maxime est praedecarendus) quoad ejus fieri poterit, remotissima. Erit autem huiusmodi. Quo tempore (quod in prima parte erit perficiendum) agatur potius dissertando, in classe qualibet ex quatuor memoratis praemittetur in primis materiae diuisio in quot partes libuerit, quae sint totidem experimentorum genera, uel peragenda in suis Atracis ad id destinatis, uel iam peracta, suisque jam ritè loculis distributa, postrema parte spectatoribus exhibenda. Adcedetur deinde ad ea persequenda experimenta, quae ex omnibus delecta speciatim fuerint; atque in primis describentur
prae-

praecipua experimenta iis apta exhibendis, uniuscujusque structu-
ram physicam, historicam originem, Inventores, Illustratores, usu n-
denique, physicaque emolumenta ex iis decerpita ordinatim expo-
nendo. Quoniam verò & super iis, quae jam declarata fuerint, &
multò pluribus, quae supererint dicenda ex iis, quae in promptu
fuerint [quacque non sine adstantium toedio persequi singillatim lice-
ret] aut oriri Auditorum animis dubitandi posset occasio, aut co-
gnoscendi ampliùs, & ulteriùs de veritate inquirendi incesse-
re cupiditas, Idcirco [ne sterili quadam, & veluti circula-
toria sermocinatione contenta, & ad fucum quasi composita vi-
deretur exercitatio nostra] in qualibet experimentorum classe
exurgent quidam ex Auditorum confessu [aliis etiam quibusti-
bet, si qui volent, dicendi copia facta] qui in eo genere, in
quo dissertatum fuerit, addant quae voluerint, aut de aliis,
quae dicta sint [Latino, vel Etrusco, ut magis libuerit, ser-
mone] quaestiones moveant, aut de aliis experimentis, instru-
mentisque, quae toto aulae theatro, & bocce etiam exhiben-
tur libello, pro sua quisque libidine interrogent, donec in ea
classe sit omnium, qui illuc convenerint, difficultatibus planè
satisfactum.

Requie paullisper data, animisque quàm Demonstrantis,
tùm Auditorum concentu aliquo per Orchestram exhibito re-
creatis, progressus fiet ad dissertandum in altera experimen-
torum classe, hinc itidem rerum discendarum, aliorumque o-
bjectis, quaestionibusque prorsus, quo prius, servato ordine,
ac methodo respondendi. Atque ubi in tertia similiter, &
in quarta rerum classe eadem perfecta fuerint, devenietur
ad alteram exercitationis partem, quae, juxta dicebamus, omni
sui parte erit, per idoneos surveniet, oculis praecipuè demonstra-
trix eorum omnium, quae promissa ab ipso Dissertatore fuerint.

Utque

Utique periculo omnium obstreptentium tumultus, tum Instrumentorum etiam iacturae [quantum loci frequentia sinet] consultum sit, Parallelogrammum, ad id, rectangulum ex asseribus divite peristromate confectis, amplissimi confectus in medio, constructum est, duodetrigenos pedes longum, bisseos vero latum. Secundum hujus Rectanguli latera longo ordine disposita Instrumenta plurima, physicaque jam praeparata experimenta proficiant: In quatuor vero ipsis angulis totidem stabunt Plutei ad experimenta perficienda potius, quam perfecta destinati, quorum singulis suis praeerit ex aliorum discipulorum coetu Demonstrator, cujus partes erunt tum peragere ea omnia, quae pollicitus antea sit Dissertator, tum iis etiam facere satis, quae uniuscujusque spectatorum cupere unquam posset in ea re desiderium. Per eosdem vero etiam praesides Discipulos doceri unusquisque poterit de iis, quae in ea classe descripta jam, ac locis suis adspectabilia exhibentur toto spatio illo, quod duorum laterum Parallelogrammi parte dimidia (haec enim portio cuilibet classis continget), continetur.

Ordo autem ingrediendi ad conspicienda ipsa experimenta in spectatoribus erit hujusmodi. Ubi differendo finis impositus, festisque Orchestrae fragoribus fuerit signum confectui datum, poterit jam unusquisque Aulae in medium ad ea intuenda experimenta adcedere, quae ad partem Rectanguli loco ubi confidebat propius respondentem viderit disposita: Sic enim illud [quod maxime ad praecavenda supra memorata pericula necessarium videbatur] obtinebitur, ut & unusquisque, qui ad haec spectanda convenerit, singula percurrendo, affatim omnia intueri possit; simulque, dum ex aliis ad alia progreditur, ceteris, etiam ea, quae ipse viderit, videndi copiam efficiat. Neque vero iis etiam hominibus, si qui fuerint (erunt autem in tam fre-



SPECIMEN PHYSICAE EXPERIMENTALIS TERRESTRIA



Materiam hanc ceteroquin per se amplis-
simam partiri juvat in partes quatuor,
in ea scilicet

- I. Quae Elementaria,
- II. Quae Centrobarica,
- III. Quae Geostatica
- IV. Quae tandem ad Motum spectantia appellabimus.

Ex Elementaribus,

Quae ideo hoc nomine nuncupamus, quod per ea
addiscimus, experiendo, plura, quae ad Elementa, seu
componentes variorum corporum Particulas, & ad
generales quasdam illorum potius spectant propieta-

B

tes

tes, feligimus duo, potissimum, quae demonstrent, duas praecipue esse in omni corpore vires, *Activam* unam, *Passivam* alteram, videlicet

- I. Virtutem quamdam in corporibus, & materiae particulis *Adtracticem*
- II. Virtutem, quam vocant *Infitam*, aut *Inertiae*: Quorum utramque, postquam illarum definitiones, & origo historica, ex qua in Recentiores Scholas inductae sint, Legesque, quas sequuntur, recensitae fuerint, dilucidèque expositae, conabimur multiplicibus experimentis comprobare;

Ac primo quidem *Adtracticem* virtutem per haec potissimum, scilicet

- I. Per experimenta *Adtractionis Magneticae*;
- II. Per experimenta *Adtractionis Electricae*;
- III. Per Experimenta *Planorum invicem adhaerentium*:
- IV. Per experimenta fortioris, aut debilioris *Cohaesionis* partium.

Instrumenta ad singula haec demonstranda, erunt multiplicata; Nam

In primo genere spectabitur

- I. *Magnes optimae virtutis cum notabili suo pondere*, adpenso.
- II. *Acus Nautica*:

Utriusque verò mira *Phaenomena* percontantes docebimus.

In secundo genere experimenta sient *Cylindris* ex *multiplici materia solida*, &

- I. *Cylindro vitreo*,
- II. *Cylindro Sulphureo*,
- III. *Cy-*

7
frequenti conventu necessariū non pauci) quibus istaec intue-
ri vel parum cordi fuerit, vel copia minus commodè facta,
interim occupatio deerit sua cum oblectatione conjuncta. Ete-
nim quin è loco quispiam discedat suo, frui interea poterit
instrumentorum suarū concentu aliquo: Quod publicae huic e-
xercitationi illud certè adferet commodi, ut & dignitati hujus
loci conveniens servetur ordo &, quod nimio populi sese den-
santis tumultu faciliè crearetur, quoad fieri possit, propulsetur
incommodum. Haec praemonitus rem ipsam habeto.

III. Cylindro Gummeo,
 Quorum confricatione simul Adtractio, simulque
 Repulsio explicabitur.

In tertio genere spectabuntur

Plana pariter multiplicia invicem adhaerentia, & in-
 gens pondus sustinentia absque dissociatione, &

- I. Plana Vitrea,
- II. Plana Cuprea,
- III. Plana Lignea,
- IV. Plana Marmorea;

Quorum omnium ratio dabitur sciscitantibus.

In quarto tandem Genere

Specimen praebebitur quoddam illorum Experimento-
 rum, quae fusè prosequutus est in suis dissertationi-
 bus physicis Petrus Van-Musschenbroekius circa co-
 haesiones fibrarum, & aliquod tentamen fiet in fila-
 mentis multiplicis generis, quantum scilicet ponderis
 sine disruptione sustinere possint? Ubi poterit etiam
 quis experimento doceri, plus ne valeant sustinere
 ponderis fibrae plurimae, simul duntaxat, & recta
 conjunctae, quam valeant spiraliter simul contortae?

Virtutem verò Inertiae demonstrabimus per haec po-
 tissimum experimenta, videlicet

- I. Per experimenta motus compositi ex horizontali, &
 verticali;
- II. Per experimenta, & reactionis, quam pro sua massa
 corpora obponunt viribus activis, deturbare illa co-
 nantibus à statu quietis, vel motus. Utrumque ve-
 rò experimentorum genus demonstrabimus reprae-
 sentando nescio quid simile, quod hominibus acci-

dit in Navi, aut Curru, qui si repente sistat, cadant ipsi in eam partem, qua ferebatur navis, aut currus, necesse est; aut quod sagittae contingit verticaliter emissae ab homine horizontaliter moto, quae hujus ad pedes recidit.

Ex Centrobaricis,

Sive experimentis illis, quae spectant Centrum Gravitatis corporum, postquam hujus definitiones, discrimen à centro magnitudinis, & fundamentalis illius doctrina tradita fuerit, seligemus exhibenda.

- I. Experimenta corporum se in aequilibrio subistentium ratione Centri Gravitatis;
- II. Experimenta corporum per plana inclinata vel repentium, vel potius sese volventium;
- III. Experimenta, quae spontaneum quemdam adscensum simulant. Instrumenta praecipua, quibus singula peragentur, aut spectabuntur peracta, ad primum praecipue genus spectantia erunt

- I. Balances vulgò dictae,
- II. Statera Romana;
- III. Alia quaedam media inter duas primas, quae Staticae quoddam paradoxum repraesentat, quum se qui videatur alias aequilibrari Leges, ac vulgò tradantur; ejusque peculiaris structura, Inventor, & vera Theoria explicabitur.

Ad secundum genus spectantia cernuntur varia ligneae corpora Plano inclinato innixa secundum majores, aut minores bases. Unde lapsu suo aut repant, aut obvolvuntur necesse fit.

Ad

Ad tertium tandem genus spectans exhibebitur Fusus quidam ligneus utraque parte conicus per Triangulum ligneum sponte visus adscendere, cujus phœnomeni ratio percontanti reddetur.

Ex Geostaticis,

Quibus solidorum Staticam, & Machinarum vires exhibentur, duo celeberrima in primis Machinarum genera exhibere, & explicare aggredimur; *Vestem* scilicet, & *Planum inclinatum*, quò tamen ceteras omnes alias facillè referri posse machinas existimamus.

Et primò in *Veste* in genere considerato, ejus generali doctrina tradita exhibebimus species varias, & I. *Vestem* vulgò dictam, simplicem, & compositum, ejusque triplicem dispositionem, cum uniuscuiusque emolumentis demonstrabimus.

II. *Axem* vulgò dictum in Peritrochio, *Saculam* ergatam, aliaque hùc spectantia.

III. *Trochleas* simplices, & compositas, earumque vim in variis dispositionibus demonstrabimus.

IV. *Rotas* tandem dentatas:

Omnium verò singularum usum, & commoda arte reperta interrogantibus indicabimus.

In *Plano* verò *Inclinato* genericè considerato, ejus pariter Theoria tradita, ipsius species demonstrabuntur, earumque usus, &

I. *Ufus Plani inclinati* sic in specie dicti, multiplicis generis, variaeque dispositionis;

II. *Ufus Cuneorum*

III. Tandem *ufus Cochleae* multiplicis generis, quae omnia

omnia, qui occasionem dederint pluribus aliis instrumentis in quotidiano usu positis, etiam docebimus.

Ex spectantibus ad Motum;

Postquam motus divisiones, ejusque variae affectiones indicatae fuerint, seligemus experimenta,

- I. Quae ad motum Graviorum spectant;
- II. Quae ad motus Compositos;
- III. Quae ad Retardationes motus ex mediorum, resistentia oriuntur.

In primo genere, postquam adlata fuerit doctrina de motu gravium [medii resistentia minimè considerata] demonstrabitur

- I. Motum omnium Graviorum ex aequo esse celerem;
- II. Singulorum verò motum esse uniformiter acceleratum, ut spatia in fine motus sint, ut quadrata temporum.

Ut demonstraretur primum, exhibebitur oblongus Cylindrus Vitreus, aere exhaustus, in cuius vertice suspensa imminebit pluma simul cum fructu plumbeo, quae simul demissa per inane, simul etiam ad imum perveniant.

Quae demonstrabunt verò secundum, erunt experimenta Pendulorum diversarum longitudinum oscillantium per arcus similes diversis celeritatibus.

In secundo genere, adlata doctrina motus compositi, exhibebitur illa, & demonstrabitur

- I. Machinâ quadam, qua describi diagonalem parallelogrammi a corpore duabus viribus sollicitato, ut in duas feratur directiones, oculis exhibebitur.

II. Motu

H. Motu Pendulorum, quorum doctrina interroganti etiam fufius tradetur.

In tertio tandem genere, ubi varia Resistentiarum genera explicata fuerint, exhibebitur

Instrumentum, *Tribometrum* dictum, quo innumerae omnes ortae ex affricu resistentiae experimento tentantur, & accuratae illarum rationes, quas inter se servant in casu confricationis diversarum superficierum, determinari possent; Qua occasione, si quis id a nobis postulet, aliquid etiam differetur de vera causa inutilis laboris impensi in Motu perpetuo conficiendo.

A Q U E A



Uatuor etiam in partes divisam volumus materiam hanc, scilicet in eam, quae

I. Ad ipsius Aquae, & Liqueorum in genere aequilibrium;

II. Ad Aquae, Liqueorumque varios motus;

III. Ad ipsorum Effervescentias;

IV. Tandem in eam, quae ad alia quaedam liqueorum propria adtributa pertinet; ac primò

Omne id, quod Aquae, & Liqueorum spectat aequilibrium (& *Hydrostatica* appellari solet) in tribus
omni-

omnino rerum generibus demonstrandis versabitur :
In demonstrando scilicet

- I. Aequilibria Liquidorum inter se,
- II. Aequilibria Solidorum cum Liquidis,
- III. Quidve contra Liqueorum aequilibrium accidere aliquando videamus?

Ad primum genus demonstrandum, aequilibrium nempe, inter se, Liquidorum, multiplicia erunt experimenta, per quae docebimus, ipsa

- I. De se in figuram sphaericam semper proprium aequilibrium componere,
- II. Semper etiam se componere ad libellam,
- III. Rarius, seu levius superimminere semper densiori & graviori;

Atque ad primum quidem demonstrandum, exhibebimus plura vasa liquoribus plena, quibus si horizontaliter applicentur plana solida, minimè vasorum labris adtactis, humida fieri ab adtacto liquore cernuntur.

Ad secundum verò demonstrandum plura spectabuntur genera tum Libellarum, ut vulgò dicunt, tum etiam Tuborum communicantium.

Ad tertium tandem demonstrandum, variis utemur instrumentis, puta illo, quod vulgò dicunt *Quatuor Elementa*, illo etiam, quo per mediam aquam trajectum vinum superiora petit, aliisque.

Ut demonstretur alterum genus, aequilibrium nempe Solidi cum Fluido, multiplicia erunt pariter experimenta, per quae docebimus

- I. In vasis, quibus continentur, Fluida gravitate secundum

dum ipsorum altitudines habita tamen ratione Basis.

- II. Solida fluido immersa ex respectivo suo pondere aliquid semper amittere.

Et ad primum quidem demonstrandum plura conspiciuntur diversae amplitudinis vasa cylindrica, aut conica, in quibus vis prementis liquidi explorabitur; Constatque, modicum etiam Liquoris angusto vase contenti aequipollere posse immenso Liquoris ponderi, qui vase latiori contineatur; fietque etiam experimentum de vesicis tubulo angusto inflatis, earumque doctrina Musculorum viribus aptabitur.

Alterum verò exhibebitur praesertim lance Hydrostatica, aliisque instrumentis ad specificas liquorum gravitates inter se comparandas accommodatis; Quae occasione aliae etiam methodi experimentales, gravitates explorandi specificas indicabuntur.

Ut tandem demonstretur tertium genus, quid nempe contra Liquorum aequilibrium aliquando contingat, exhibebimus celeberrima Experimenta Tuborum capillarium, adhibitis ad id tum Planis, tum Tubis vitreis, in quorum angustiis Liquorum adscensus causa explicabitur, adlata Theoria, quae nobis probabilior videbitur.

Illud, quod aquae, aliorumque liquorum varios motus spectat, & Hydraulica appellari potest, duos potissimum complectetur, &

- I. Motus illos, quibus conficiendis soli concurrunt liquores per multiplicia canalium genera excurrentes

C

tes

tes, five homogenei liquores sint, five etherogenei;

II. Motus illos, qui a solidis prementibus determinari videntur;

Primum genus demonstrabitur primò *Syphonum* instrumento, cujus tota doctrina, & ratio phoenomeni petentibus dabitur:

Secundò demonstrabitur Antliis, quae ope aeris aquam prementis varios jactus aquae in aera efficiunt; Et praesertim exhibebitur fonticulus Aeolipilae [cujus descriptio dabitur] & fonticulus Heronis vulgò dictus, cujus pariter totum artificium volentibus describetur.

Alterum demonstrabunt Antliae aspirantes, seu sutoriae multiplicis generis, quò spectant syringes, aliaeque vulgares machinae, quarum effecta fugae cuidam vacui antiquitus tribuebantur. Doctrina, autem de vera illarum Theoria, & illustriores eruditiones, quae hùc faciunt, ubi quis eas desideret, in promptu etiam erunt;

Quoad Liquorum Effervescentias adinet, tria persequemur.

I. Quae ad calidas,

II. Quae ad frigidas,

III. Quae tandem ad neutras referri possunt.

Calidas effervescentias exhibebunt experimenta ebullitionum, quae ostendent.

I. Fieri illas in variis caloris gradibus, prout varia est incumbentis atmosphaerae raritas, (juxtà recentissimas observationes). Atque adeò in vacuo fieri omnium

- omnium citissimè, & in minori caloris gradu;
- II. Fieri non in omnibus fluidis eodem caloris gradu, sed in quibusdam majori, quibusdam verò minori calore;
- III. Omnes fieri maximo caloris gradu, cujus capax sit liquor ipse:
- Quorum omnium doctrina, & à quo primùm peti debeat observatio, docebimus.
- Frigidas* effervescentias exhibebunt ea, quae Salium admixtu praesertim procreantur: qua occasione doctrina: & experimenta circa liquorum Congelationes adferentur.
- Neutras* tandem effervescentias illa exhibebunt, quae ex pura liquorum admixtione, & praesertim Acidorum cum Alkali observantur.
- Postrema tandem pars, quae ad alia quaedam liquorum indiscriminatim adtributa spectant, tria demonstrabit;

- I. Summam aquae Porositatem,
- II. Summam ejus Duritiem,
- III. Ejus tandem summam Divisibilitatem.

Ostendent praesertim primum experimenta Salium ex multiplici genere, qui in parva aquae copia solvantur: Atque constabit, ubi aqua ex quolibet salium genere biberit ad certos quosdam limites, non amplius ex eo genere posse salium dissolvere; quum tamen ex alio, & alio genere possit vel ad infinitum saturari, quorum omnium Theoria, & eruditio petentibus non negabitur.

Alterum ostendent experimenta capta jam in Acade-

mia Florentina, & à Musschenbroekio ejus Illustratore, aqua scilicet implendo sphaeras Plumbeas, & Stanneas, quas non nisi maxima vi comprimi posse, & transudante per meatus metalli liquore ipso, constabit. Tertium tandem ostendent experimenta aquae in vaporem redactae tùm per Acolipilam, tùm per alia opportunè à Musschenbroekio aliisque nobis praemonstrata.

A E R I A



Eries Experimentorum hùc spectantium, quaeque Pneumatica etiam nuncupari solent, ad tria potissimum aeris adtributa demonstranda dirigetur: scilicet ad docendum.

- I. Aerei fluidi, quo circumdamur Gravitatem, atque vim resiliendi, seu ut vocant Elasticam;
- II. Eiusdem capacitatem tùm ad ingentia, tùm ad modicissima etiam incredibiliter se redigendi spatia,
- III. In paene innumeros alios in natura effectus Aerem ipsum influere.

Primum de Gravitate, atque Elasticitate vario experimentorum genere demonstrabitur, &

- I. Experimentis celeberrimis Antliae vulgò dictae Pneumaticae;
- II. Baroscopis, Tubisque Torricellianis

III. Ex-

- III. Experimento Magdeburgico; aliisque hùc spectantibus;
 IV. Tandem explorando Lancium ipso instrumento Aëris pondus.

Per Antliam Pneumaticam, descripta primò ejus structura, secundò specie multiplici, tertio Authoribus qui illam aut excogitarunt, aut illustrarunt, quartò methodo ea utendi, innumerisque tandem in re Physica ex ea promanantibus emolumentis descriptis, ex ejus ipsius constructione, atque usu demonstrari docebitur Gravitatis aeris, & Elasticitas.

Quoad Baroscopia, Tubosque Torricellianos, ipsorum pariter historica origine, constructione multiplici, & singulorum præcipuis emolumentis, & præcavendis etiam defectibus iudicariis, exhibebitur

- I. Simplex, & rectum vulgò dictum Torricellianum:
 II. Simplex, sed inclinatum Morlandianum, seu Anglicum
 III. Compositum, atque Hugonianum nuncupatum; indicatis etiam aliis recentissimè inventis. Tandem volenti dabitur tota Theoria, cur, & quando Barometra varias demonstrent, & præfagiant etiam Coeli tempestates?

In experimento Magdeburgico, quidquid eruditionis hùc etiam spectat, ubi tradiderimus, exhibebuntur duo emisphaeria, quatuor, vel quinque pollicum diametri, quae aere exhausta ingens sustinebunt pondus absque separatione, eorumque Theoria, quamplurimis aliis in usu quotidiano positis accommodabitur.

In experimento Aeris per lances ponderati conspicietur globus ingens vitreus diametri ferè unius pedis intus cavus ad trutinam revocatus, & notabili plurimum granorum pondere deficere deprehensus quando aere est exhaustus, quàm quum aere plenus ponderatur; Ex quo experimento facilè etiam calculo adhibito deprehendi posse rationem gravitatis specificae aquae ad specificam gravitatem Aeris, demonstrabitur.

Peculiariter verò *vis resiliendi* in Aere, praeter supra memorata experimenta Antliae Pneumaticae (quarum plura ritè praeparata longo ordine adspiciuntur) ostendetur etiam iis experimentis, quibus Aeris compressi vim ingentem cognoscimus: Quò praesertim spectat Sclopetus Pneumaticus, cujus machinae constructionem percontantes docebimus.

Alterum, quod demonstrandum peculiariter in Aere proposuimus, esse nempe capacem immensae dilatationis, & immensae pariter contractionis, primum quidem exhibebimus experimentis desumptis per Antliam Pneumaticam, quae docebunt

- I. Aerem in poris corporum latitantem ingenti dilatatione se prodere, erumpendo ex ipsorum latebris in exinanita spatia;
- II. Aeris vel minimam quantumvis copiam in immensum spatium expandi posse, quod multiplici experimento tùm jam praeparato, tùm conficiendo per Antliam ipsam ostendetur.
- III. Vim ingentem, quam sese dilatando exercet inclusus aer, quod pariter multiplici comprobabitur experimento

Al-

Alterum verò, quòd magna quantumlibet Aeris copia in minimum sese redigendi spatium capax sit, ostendetur aere condensato in tubis ope mercurii, aliisque experimentis. Quantum verò præcisè Aer dilatari queat, quantumque contrahi, petentibus dabitur eruditio ex probatoribus petita Authoribus.

Tertium tandem genus spectans ad alios promiscuè effectus ab aere dependentes sibi vindicabunt ea experimenta, quae doceant

- I. Quantum ad Animantium vitam necessarium sit aeris alimentum?
 - II. Quantum ad Lumen, flammamque promovendam?
 - III. Quantum tandem ad Soni propagationem conferat?
- Primum tentabitur per Antliam, Experiendo enim cernere licebit

- I. Quae prae aliis Animantes seriùs, aut citiùs emoriantur in spatio inani?
 - II. Quid, quantumve noceat aeris vel inspissati, vel tantummodo non immutati aliquo spatio temporis, vel etiam halitibus infecti inspiratio? Quorum omnium explicationes opportunè tradentur eas postulantibus.
- Quoad secundum verò, an, & quomodo Aer luminis, & flammae alendae conferat, tentabitur tum per prunas ignitas, tum per flammam, tum per Phosphoros in spatio inani inclusos, ubi experiri licebit, quid, quantumve luceant? Constatitque, prunas quidem ipsas lumine languescere, flammam omnino extinguì, Phosphoros verò ipsos, quosdam quidem in vacuo lumen amittere, quosdam verò vividius adipisci.

Quoad tertium tandem, an, & quantum conferat Aer, ut sonus propagetur, tentabitur, sonorum, aliquod corpus intra recipiens aere exhaustum includendo: ubi aut evanescere, aut valde languidum fieri sonum innotescet.

I G N E A



Xperimentorum series ad rem igneam spectantium quatuor potissimum habebit partes, atque agetur

- I. De Calefactilibus,
- II. De Lucidis,
- III. De Electricis,
- IV. De Coloratis.

Primum, quod spectat ad calefactilia, versabitur in demonstrando

- I. Calore omnia prorsus corpora rariora fieri, frigore verò densiora;
- II. Quaedam citiùs expandi, & calefieri, alia verò seriùs, & ea, quae citiùs acquirunt, etiam faciliùs calorem suum amittere; Quae verò acquirunt seriùs, diutiùs illum conservare.
- III. Corpora omnia in quoddam aequilibrium caloris sese sponte componere.

Pri-

Primum duplici potissimum instrumento physico demonstrabitur; Thermometro scilicet, & Pyrometro, illo pro liquoribus calore dilatatis, & constrictis frigore demonstrandis, hoc verò pro solidis. Utriusque structura, species diversae, & singularum Inventores, defectus etiam, qui evitandi in iis sunt, describentur, & historia veluti quaedam tam utilis in Physica inventi textetur.

Adcedetur deindè ad quaedam spectatorum oculis exhibenda per Pyrometrum Musschenbroekii methodo confectum

Alterum demonstrabitur, adhibitis in Pyrometro multiplicis generis corporibus solidis aequali flammae expositis, ubi varia cernere erit tum circa gradus dilatationis, & constrictionis, quos singula obtinent, tum varias celeritates, in iis gradibus concipiendis, conservandisque.

Tertium patebit multiplici experientia capta Thermometris, ea scilicet applicando quibuscumque corporibus, quae varios naturaliter habere vulgò censentur caloris gradus; quum tamen ex aequo omnia Thermometrum afficiant modò eadem ambientis aeris temperie aequè omnia perfruantur.

Lucidorum materies quinque habebit experimentorum capita; Atque ea

- I. Quae ad emissionem ipsam luminis è lucido spectant.
- II. Quae ad Lucis propagationem ipsam,
- III. Quae ad ejus Reflexiones,
- IV. Quae ad Refractiones ejusdem,

C 5

V. Quae

V. Quae cum oculorum visu relationem habent.

In primo experimentorum capite Phosphorum doctrina, eruditio, & experimenta tradentur, eosque non nisi excitatione, & in auras eruptione halituum praesertim sulphureorum lucem emittere constabit, sive ea excitatio ab attritu, sive ab effervescencia, sive à qualibet alia causa determinetur.

Aspectabiles verò plures erunt Phosphorum species tum ex naturalibus, tum ex artificialibus, Et praesertim.

- I. Phosphorus mercurialis,
- II. Phosphorus Lapidis Bononiensis,
- III. Phosphorus Angliae, seu salis Ammoniaci.

In secundo capite per novum Instrumentum Lucimetrum dictum docebimus

- I. Lucis propagationem fieri debiliorem, quò plura media quamvis perspicua lucidum inter, & objectum illustrandum, aut oculum interponantur, propter radorum plures regressus in tot mediorum impactu necessarios.
- II. Debilius etiam propagari lumen pro quadrato ipsius distantiae vel ab oculo, vel ab objecto illustrando.
- III. Ex eodem Lucimetro apparebit, mensurari etiam posse per suos gradus varias oculorum acies aliquod intuentium objectum per interjecta illa media; Varios etiam Lucis gradus diversis horis diei; Variam tandem luminis intensitatem pluvio, ac sereno coelo; Innumeraque alia emolumenta.

In tertio capite, tradita doctrina de Reflexionibus, illas in variis, variaeque figurae speculis demonstrabimus.

Tra-

Trademus etiam historiam, experimenta, & doctrinam speculi Caustici reflectentis radios solares in foco collectos. Rationem etiam volentibus adferemus, cur imagines quaedam in speculo depictae adpareant? Cur adpareant aliquando inversae? Cur etiam reflexi radii ex convexo speculo objectum imminuant, cur verò amplificent, si è cavo reflectantur.

In quarto capite doctrina pariter de Refractionibus tradita, exhibebimus instrumentum quoddam aptissimum ad oculis demonstranda in camera obscura varia itinera radiorum aut ex aere in aquam, aut ex aqua in aerem migrantium; Ubi oculis fit manifestum, quid accidere debeat in hujusmodi transitu radiis parallelis, quid divergentibus, quid tandem convergentibus?

Lentes etiam Cristallinae multiplicis figurae conspiciuntur, siue eae sint, quae colligant radios in focum, & aliquando etiam comburant (qua occasione tradetur doctrina de Lentibus Causticis) quales sunt, quae convexam habent superficiem; siue eae, quae magis radios dispergunt; quales sunt quae superficiem habent concavam.

Nec deerunt Microscopia etiam, & Telescopia vulgò dicta, quorum variae species non solum theoricè demonstrabuntur, sed etiam constructae aspicientur.

Et quoad Telescopia spectabitur

- I. Telescopium Galileanum,
- II. Telescopium Astronomicum,
- III. Telescopium Terrestre,

IV. Newtonianum tandem, & Gregorianum

Ex Microscopiis verò exhibebitur

I. Microscopium pro objectis translucidis unica Lente praeditum

II. Microscopium pro objectis opacis triplici Lente instructum,

III. Microscopium Solare

In quinto tandem capite conspicietur

I. Oculus quidam artificialis, in quo intueri licebit ea omnia, quae in oculo reipsa fiunt,

II. Filis ex serico in suis tabellulis, radios repraesentantibus, variè combinatis, lentisque cupreas perforatas traicentibus, exprimentur radiorum intra oculum refractiones; Oculi etiam Myopis, & Presbytae defectus; quorum omnium doctrina, & praesidia ad ea corrigenda indicabuntur. Ratio etiam petentibus reddetur plurimorum huc spectantium; e. g. cur utroque oculo non geminatum videatur objectum? Cur rectum etiam adpareat, quamvis ipsius imago inversa in oculi fundo pingatur? cur remotiora objecta etiam minora adpareant? Cur Lentium quarundam adhibitis adjumentis objectum amplificatum, & propinquius; quibusdam verò aliis adhibitis imminutum, & remotius adpareat? aliaque Optica similia Problemata interrogantes docebimus.

Quod spectat ad Electrica, quum neque loci, neque temporis ratio persequi nos sinat uberrimam hanc Provinciam, contenti erimus machinam quamdam [multò tamen breviorē illa, qua ampliori in loco collocata nos utimur] heic exhibere. Interim illam

lam describere non recusabimus; ejusque Theoriam quantum rei nondum satis perspectae difficultas finet, indicare.

Postremum de *Coloratis*, quum neque in hac per se etiam satis ampla segete ob loci, ac temporis minus apta praesidia immorari possimus, demonstrando praesertim ea omnia, quae Newtonianam spectant Theoriam, satis heic etiam erit exhibere praecipua Instrumenta ad colorum, & Newtonianae Theoriae tentamina persequenda (qualia sunt Prismata tùm ex toto Crystallo, tùm ex planis inter se variè connexis, & aqua plenis) aptissima cum iis omnibus adminiculis, quibus opus est; quibusque uti solemus in conclavi obscuro ad id destinato,

FINIS